

**REGLUGERÐ**

64

7. júní

**um mat á freðfiski.**

## 1. gr.

Allur freðfiskur, sem út er fluttur héðan af landi, skal metinn af matsmönnum undir umsjón fiskimatsstjóra.

## 2. gr.

Fiskur, sem ætlaður er til hraðfrystingar, skal vera nýr og óskemmdur. Fiskurinn skal metinn um leið og honum er veitt móttaka í hraðfrystihúsinu.

## 3. gr.

Matsmaður skal fylgjast nákvæmlega með allri verkun, frystingu og geymslu fisksins. Þess skal gætt, að ekki líði meira en 12 klukkutímar frá því að veiðiskipið kemur að landi og þar til fiskurinn er frystur. Þó má líða lengri tími til frystingar en að framan greinir, ef fiskurinn hefur verið vel kældur strax eftir að honum var skipað á land, en þó að jafnaði ekki nema 36 klukkutímar.

Fiskur, sem kældur hefur verið um borð í skipi, skal strax tekinn til frystingar.

## 4. gr.

Við útskipun freðfisks skal matsmaður gæta þess, að fiskurinn sé í góðu ásigkomulagi og í fullnægjandi umbúðum. Jafnframt skal matsmaður sjá um, að fiskurinn komist í góðu ástandi um borð í móttökuskip.

## 5. gr.

Nú telur matsmaður í einhverju ábótavant um meðferð, frystingu eða geymslu freðfisksins og skal hann þá tilkynna það tafarlaust forráðamönnum frystihússins svo og fiskimatsstjóra.

## 6. gr.

Hafi framangreindum ákvæðum verið fullnægt og fiskurinn góð vara, skal matsmaður um leið og fiskurinn er fluttur út, gefa vottorð um gæði hans. Vottorð þetta skal vera í því formi, sem atvinnumálaráðuneytið ákveður.

## 7. gr.

Lögreglustjórar skipa matsmenn á hverjum stað, þar sem hraðfrystihús eru, samkvæmt tillögum fiskimatsstjóra. Þeir skulu áður en þeir taka til starfa rita undir eiðstaf, sem atvinnumálaráðuneytið fyrirskipar.

## 8. gr.

Atvinnumálaráðuneytið skipar eftirlitsmann til aðstoðar fiskimatsstjóra við framkvæmd mats á hraðfrystum fiski.

## 9. gr.

Brot gegn ákvæðum þessarar reglugerðar varða sektum allt að 10000 krónum.

**Bráðabirgðaákvæði.**

Um þann fisk, sem frystur hefur verið fyrir gildistöku reglugerðar þessarar, skal matsmaður votta að fiskurinn hafi verið geymdur við hæfilegan kulda og að fiskurinn sé að öðru leyti í góðu ásigkomulagi.

64 Reglugerð þessi er hér með sett samkvæmt lögum nr. 92/1935, um meðferð, 7. júní verkun og útflutning á sjávarafurðum, til þess að öðlast gildi þegar í stað.

*Atvinnu- og samgöngumálaráðuneytið, 7. júní 1944.*

**Vilhjálmur Þór.**

*Gunnl. E. Briem.*

65

26. júní

## REGLUGERÐ

um skyldu til að halda eftir af kaupum upp í skattgreiðslur.

### 1. gr.

Nú hefur skattgreiðandi ekki greitt tekju- og eignarskatt sinn til rikissjóðs að fullu á réttum gjalddaga, sem er á manntalsþingi ár hvert, og skal kaupgreiðanda hans þá skylt samkvæmt kröfu innheimtumanns skattanna að halda eftir af kaupum skattgreiðanda nægilegri fjárhæð til greiðslu á hinum vangoldnu sköttum ásamt dráttarvöxtum og kostnaði.

Orðið kaup í reglugerð þessari tekur til hvers konar kaups, launa eða annarar þóknunar, þ. á m. eftirlauna og styrktarfjár, og það jafnt hvort greiðslan er samkvæmt vinnusamningi, verksamningi (akkorði), eða öðrum samningum eða ákvörðunum.

Kaupgreiðandi telst sérhver sá, er innir framangreindar greiðslur af hendi, hvort sem er fyrir sjálfan sig eða aðra, þ. á m. kaupgreiðslustöðvar.

### 2. gr.

Til lúkningar greiðslum þeim, sem um ræðir í 1. gr., skal þó ekki haldið eftir meira en  $\frac{1}{5}$  af því kaupum, sem til útborgunar á að koma í hvert sinn, ef í hlut á skattgreiðandi, sem á fyrir heimili að sjá, en ella  $\frac{1}{3}$ . Nú er kaup greitt að einhverju leyti í öðru en peningum, svo sem fæði, húsnæði eða öðrum hlunnindum, og skulu hlunnindi þessi þá talin með, þegar út er reiknaður sá hluti kaupsins, sem eftir skal haldið til skattgreiðslu, og á því verði, sem þau eru almennt metin til skatts á hverjum stað.

### 3. gr.

Kaupgreiðandi, sem fyrir hefur verið lagt á þann hátt, sem um ræðir í 1. gr., að halda eftir af kaupum, skal við næstu útborgun — þar með taldar hvers konar greiðslur upp í kaup, og framvegis við útborganir, þar til hin umkröfðu gjöld eru að fullu greidd, draga af kaupum skattgreiðanda þann hluta þess, sem heimilt er að halda eftir samkvæmt 2. gr., og skal hverri þeirri fjárhæð, sem þannig er haldið eftir, skilað innheimtumanni innan tveggja virkra daga frá hverjum útborgunardegi talið, og er sú greiðsla bindandi fyrir skattgreiðanda.

### 4. gr.

Allir kaupgreiðendur skulu, þegar innheimtumaður skattanna krefst þess, skyldir til að láta honum í té skýrslu, munnlega eða skriflega, eftir því sem innheimtumaður óskar, um nöfn starfsmanna, sem taka kaup hjá þeim, stöðu þeirra, fæðingardag, fæðingarár, heimilisfang, launakjör, upphæð kaups, hvernig það er greitt, gjalddaga og önnur atriði, sem nauðsynlegt er að upplýst séu, er gera skal kröfu um greiðslu skatta af kaupum.

Krefjast má innheimtumaður framangreindra skýrslna með munnlegri kröfu